



Broj: 13-04/2-05-31920/17  
Sarajevo, 07.11.2017. godine

**SKUPŠTINA KANTONA SARAJEVO**  
Služba za skupštinske poslove

**KANTON SARAJEVO**  
Stručna služba Vlade  
N/r sekretara

**O v d j e**

Zastupnik Eldar Čomor je na 33. Radnoj sjednici Skupštine Kantona Sarajevo, održanoj dana 02.10.2017. godine, u okviru tačke Dnevnog reda „Zastupnička pitanja, inicijative i odgovori“, a u skladu sa Poslovnikom Skupštine Kantona Sarajevo, pokrenuo zastupničku inicijativu kako slijedi:

“da Vlada Kantona Sarajevo, putem nadležnog ministarstva, razmotri odredbe Zakona o socijalnoj zaštiti, zaštiti civilnih žrtava rata i zaštiti porodice (“Službene novine Kantona Sarajevo”, broj: 38/14 - Prečišćeni tekst i 38/16) (u daljem tekstu: Kantonalni zakon), koje se odnose na dodatak za djecu, naročito članove od 132. do 136, da zauzme stav da li je neophodno od kategorije porodica sa djecom iz člana 136. navedenog zakona, zahtijevati dostavljanje dokaza koji se tiču zadovoljavanja cenzusa, a naročito dokaza u vezi sa posjedovanjem automobila i statusa istog i da na osnovu zauzetog stava, na prigodan način i blagovremeno, da uputu nadležnim općinskim službama kako da postupe u ovakvim slučajevima”.

**ODGOVOR:**

Ministarstvo za rad, socijalnu politiku, raseljena lica i izbjeglice Kantona Sarajevo je razmotrilo dostavljenu inicijativu i na istu daje slijedeći odgovor:

Na osnovu prijedloga Radne grupe za izradu Analize odredbi Zakona o socijalnoj zaštiti, zaštiti civilnih žrtava rata i zaštiti porodice sa djecom u Kantonu Sarajevo imenovane rješenjem Vlade Kantona Sarajevo broj 02-05-17117-38/17 od 11.05.2017. godine, a koja je analizirala odredbe ovog zakona u dijelu koji se odnosi na zaštitu porodice sa djecom, konkretno prava na dodatak na djecu, Ministarstvo za rad, socijalnu politiku, raseljena lica i izbjeglice Kantona Sarajevo je izradilo i u skupštinsku proceduru uputilo Zakon o izmjeni i dopunama Zakona o socijalnoj zaštiti, zaštiti civilnih žrtava rata i zaštiti porodice sa djecom. Navedeni zakon je propisao da se član 135. Kantonalnog zakona dopuni novim stavom koji će omogućiti izuzimanje motornog vozila kao uslova za ostvarivanje prava na dodatak na djecu za korisnike uvećanog dodatka na djecu (djeca sa invaliditetom, djeca ometena u psiho-fizičkom razvoju i bolesna djeca) u slučajevima kada je jedan od članova zajedničkog domaćinstva vlasnik ili posjednik motornog vozila, a ne radi se o osobama sa invaliditetom koje po propisima iz oblasti poreske i carinske politike mogu uvesti ili na domaćem tržištu kupiti motorno vozilo kao ortopedsko ili drugo



pomagalo. Ovakvo zakonsko rješenje omogućava da ova djeca ostvare pravo na dodatak na djecu (uvećani) i u situaciji kada su im roditelji vlasnici ili posjednici motornog vozila, a vozilo im ne služi kao ortopedsko ili drugo pomagalo.

Prijedlog Zakona o izmjeni i dopunama Zakona o socijalnoj zaštiti, zaštiti civilnih žrtava rata i zaštiti porodice sa djecom je usvojila Skupština Kantona Sarajevo na 34. Radnoj sjednici Skupštine Kantona Sarajevo koja je održana 31.10.2017. godine.

Vezano za cenzus, ističemo da pravo na dodatak na djecu pripada porodicama i djeci iz člana 136. Kantonalnog zakona, bez obzira na imovinski cenzus.

Također, ističemo da će općinske službe za upravu, nadležne za provođenje prvostepenog postupka u oblasti zaštite porodice sa djecom, po stupanju na snagu Zakona o izmjeni i dopunama Zakona o socijalnoj zaštiti, zaštiti civilnih žrtava rata i zaštiti porodice sa djecom, shodno članu 4. stavu 2. Kantonalnog zakona, biti u obavezi isti primjenjivati.

S poštovanjem,

Pripremila: Smaragda Lučkin, stručni savjetnik

Kontrolisali: Zoran Timarac, šef odjeljenja

Nuriya Hodžić, pomoćnik ministrice

**MINISTRICA**

**Amela Dautbegović**

Dostaviti:

1. Skupština Kantona Sarajevo  
- Služba za skupštinske poslove,
2. Stručna služba Vlade Kantona Sarajevo,
3. a/a.



web: <http://mrsri.ks.gov.ba>  
e-mail: [mrsri@mrsri.ks.gov.ba](mailto:mrsri@mrsri.ks.gov.ba)  
Tel: + 387 (0) 33 562-089, Fax: + 387 (0) 33 562-090  
Sarajevo, Reisa Džemaludina Čauševića 1





web: <http://mrsri.ks.gov.ba>  
e-mail: [mrsri@mrsri.ks.gov.ba](mailto:mrsri@mrsri.ks.gov.ba)  
Tel: + 387 (0) 33 562-089, Fax: + 387 (0) 33 562-090  
Sarajevo, Reisa Džemaludina Čauševića 1

